

Pitrori imapisopita ninshitaantarinso'

Imapisopita yonquiaton,
nanan a'patërinso'

1 ¹Ca Simon Pitroco ninshitaranquëma', ni'co'. ¿Noya ya'huarama'? Noya canta' ya'huarahuë. Quisocristoíchin hua'anëntërinco ni'ton, inasáchin natërahuë. Ina acorinco nanamën a'china'huaso marë'. Yosë nohuanton, canpitanta' Quisocristo natërama'. Quiya pochin imarama' ni'ton, canpitanta' nicha'ësarinquëma'. Ma noyacha Quisocristo anoyacancantërinpoa paya, tënëhua'. Inaso' Yosë ni'ton, chinotërehua'. Oshanënpoa' inquitatonpoa', nóya ni'ninpoa'. Napopianachin nosororinpoa' ni'ton, catahuarinquëma' canpitanta' cancanëma quëran huarë' natëcamaso'. ²Yosë inaora nohuanton noya catahuainquëma'. Asanocancainquëma'. Noya noya nohuitohuatama', noya noya cancantarama'. Sinioro Quisocristo nohuitohuatama', na'con catahuarinquëma' sano cancantacamaso marë'.

Noya noya imacaso' ya'huërin

³Quisocristoso' chiníquën nanantaton, ya'lipiya nanitaparín. Ina imapatëhua', catahuarinpoa' Yosë pochin cancantacaso marë'. Ina Yosë anohuitërinpoa'. Huëntonëinquë nani aya'coninpoa'. Inaso' nóya ni'ton, nohuantërin canpoanta' inapochachin cancantacaso'. Ina nohuitohuatëhua',

catahuarinpoa' onporahuatësona noya noya chinotacaso'. ⁴“Caora nohuanto, catahuaranquëma' noyápiachin cancantacamaso marë',” itatonpoa', na'con catahuarinpoa'. Oshanënpoa' inquitatonpoa', anoyacancantërinpoa'. Sopai yacamairinpoa' co noyahuë' nicacaso marë'. Sopai natëhuatëra, monshihuanë', canacasoáchin yonquirë', co noyahuë' cancantëre'. Inapohuatëra, oshaquëran nitapicancanë'. Quisocristoso nipirinhuë' nicha'ërinpoa'. Apira apira ina yonquihuatëhua', oshaquëran Yosë pochin cancantarihua'. ⁵Napoaton Quisocristo imapatama', na'con yonquico' noya nicacamaso marë'. Noya nicatoma', Yosë yonquirinso chachin nitotoco'. ⁶Ina nitotatoma', co noyahuë' yonquihuatama', a'naroáchin naniantoco'. Naporahuatoma', ma'sha onpoapomarahué', chiníquën cancantoco'. Chiníquën cancantohuatama', ya'lipi cancanëma quëran ina chinotoco'. ⁷Noyasha chinotatoma', imaramasopita capini noya ninosoroco'. Naporahuatoma', ya'lipi piyapi nosoroco'.

⁸Ina pochin Yosë pënëninpoa' noya noya imacaso marë'. Ina pochin cancantohuatama', co topinan quëran imasaramahuë'. Oshaquëran noya noya cancantohuatama', noya noya Quisocristo nohuitarama'. ⁹A'naquënsó nipirinhuë' co ya'lipi cancanëna quëran Yosë imapihuë'. Co noyahuë' nipi.

Co a'napita nosoropihuë'. Ina pochin cancantohuachinara, pëtorayatërëso pochin cancantopi. Pëtorayatohuatëra, co aquë quënantërëhuë'. Inapochachin inapitanta co ya'ipi cancanëna quëran imatonahuë', isoro'paquë ya'huërsopitaráchin yonquipi. Nóya cancantacaso marë' oshanënpoa' inquitopirinpoahuë', ina naniantopi. Oshaquëran somaraya pochin cancantatona' co huachi nani-tapihuë' Yosë nanamën natanacaiso'.¹⁰ Napoaton iyaro'sa', na'con yonquico' ya'ipi cancanëma quëran huarë' imacamaso marë'. Yosë huayonatënguëma', nontërinquëma' ni'ton, noyá matërëso pochin imamiatoco'. Inapohuatama', co nisha cancantatoma', a'poaramahuë'.¹¹ Cancanëma quëran huarë' imapatama', a'na tahuëri hua'anëntërinquë quëpantarinquëma' noya ya'huëmiatacamaso marë'. Siniro Quisocriso nóya cancantaton, nicha'ësarinpoa'. Inápaquë pa'patëhua', co onporonta' pipiarëhuahuë'.

¹²Ina yonquiato, co amirahuë' pënënta'huaso'. No'tën nanan nani nitotërama'. Noya nitotopiramahuë', naquëranchin sha'huitantaranquëma' noya noya yonquicamaso marë'.¹³ Co'huara ca chimiyantërapohuë', ina nanan chachin sha'huichinquëma' ama naniantacamaso marëhuë', tënhuë'.¹⁴ Co hua'quiya quëranhuë' chiminarahuë'. Siniro Quisocriso nani anitotërinco'.¹⁵ Napoaton ninshitaranquëma'. Naquëranchin a'chintantaranquëma'. Ina quëran chiminpirahuënta', iso quirica nontohuatama', yonquiantarama'.

Quisocriso ya'norinso'

¹⁶“Chiniquënnanantaton, Quisocriso o'mantararin,” itërainquëma'. Siniro o'mantacaso' tahuëri no'tëquënn a'chintërainquëma'. Co quiyaora yonquinëhuëi

quëran a'chintërainquëmahuë'. Co pi'pisha tëranta' nonpintërainquëmahuë'. Iráca isoro'paquë nipon, nisha pochin ya'notërincoi. Ya'pirahuëi quëran chachin ni'nai.¹⁷⁻¹⁸ Quisocristoro'coi a'na motopi'pa' pa'nai. Inaquë Yosë nohuanton, huënaráchin huënaráchin ya'norin, ni'nai. Naporo chachin inápa quëran Tata Yosë noninso natanai: “Iso' hui'nahuë, nosororahuëso'. Nóya ni'nahuë,” ténin. Yosë nohuanton, inaquë quënnatatoi, natanai. Inapotatoncoi, Quisocriso chiniquënnanantërinso' anitotërincoi.

¹⁹Ina yonquiato: “Ma no'tëquëncha Yosëri ninorin paya,” tënai. Iráca quëra huarë' pënëntona'piro'sa' ninshitërinënpoa'. Yosë nohuanton, co'huara nashátëraponhuë', Quisocriso napocaso' ninopi. “No'tëquënninshitopi,” ta'toi, quiricanënn a'con natërai. Canpitanta' ina nontatoma', yonquico'. No'tëquënnanitotërinpoa'. Tashi' nipachina, nanparin noya a'pintërinpoa'. Inapochachin Yosë quiricanënn quëran a'pintërinpoa' no'tëquënn yonquicaso marë'. Tahuërianpitaquë huarë' nanparin noya orotërin. Inapochachin ipora Quisocriso o'mantaquë huarë' quiricanënn ya'huëtërinpoa' ina nohuitacaso marë'. O'mantahuachin, noyá nohuitarihua'. Huënio tayora huënaráchin a'pininso pochin a'pintarinpoa'.²⁰ Iporaso' quiricanënn quëran nontërinpoa'. Co canpoara yonquinënpoa quëran ma'sona tapon naporinso' nitotërhëhuahuë'.²¹ Iráca co inahuara nohuanton, ninshitopihuë'. Yosëri acorin nanamën anitotinpoaso marë'. Ispirito Santo nohuanton, Yosë yonquirinso chachin ninshitopi.

Nisha a'china'piro'sa'

(Judás 4-13)

2¹ Iráca Yosëri acorinsopita no'tëquënn pënëntopi. A'naquënsó nipirinhuë' nonpin nanan pënëntatona', israiro'sa'

nonpintopi. Inapochachin iporanta' a'naquën nonpin nanan yaa'chintarinënuquëma'. Noyasha nontapirinënuquëmahuë', nonpintarinënuquëma'. “Quiyanta' imarai,” taponaraihuë', nonpin nanan a'chinapi anishacancantacaiso marë'. Quisocristo nicha'ëinpoaso marë' chiminin. Inaíchin natëcaso nipirinhüë', nisha a'china'piro'saso' co yanatëpihuë'. Ina marë' a'na tahuëri Yosëri ana'intarin. A'nanaya ana'intarin. ²Co no'tëquën a'chintatonaraihuë', na'a piyapi'sa' nonpintapi. “Noya no'picaso', noya monshihuanacaso',” ta'tona', co noyahuë' nisapi. Na'a piyapi natanahuatona', inapita pochin cancantapi. “Imarai quiyanta',” taponaraihuë', co noyahuë' nisapi. Ina marë' a'napi-tari nicatona', Quisocristo pinosapi. “Quisocristo nanamën co imacaso' ya'huërinhuë'. Ina imapisopitaso' co noyahuë' nipi,” ta'tona', co no'tën nanan yaimasapihuë'. ³Nisha a'china'piro'saso' co nosororinënuquëmahuë'. Canacaiso marë' nonpin nanano'sa' a'chintarinënuquëma'. Inaso nipirinhüë', iráca quëra huarë' Yosëri yonquirin ana'intacaso'. A'na tahuëri no'tëquën ana'intarin. Co naniantarinhuë' ana'intacaso'.

⁴Ni'co'. Iráca a'naquën anquëniro'sa' co Yosë yanatëpihuë'. Co noyahuë' nipi ni'ton, Yosëri ana'intërin. Co inapita tëranta' nicha'ërinhuë'. Parisitacaiso marë' a'parin. Tashinanquë oncorapipinan ya'huërápi. Inaquë ayaro' ninarapi. ⁵Iráca ya'huëpisopitanta' co nicha'ërinhuë'. Co noyahuë' nipachinara, Yosë nohuanton, panca pacon pa'nin. Ii' quëran ta'huantopi. Noiso' Yosë imaton, no'tëquën pënëntopirinhüë', co yanatëpihuë' ni'ton, ya'ipiya ta'huantopi. Noisáchin nicha'ërin. Ya'ipi quëran posaya'píchin cha'ëpi. ⁶Ina quëran Sotomaquë ya'huëpisopitanta'

ana'intërin. Co noyahuë' cancantohuachinara, Sotoma, Comora, cato' ninano chachin noyá ahuiquitërin. Ya'ipiya chiminpi. Ayonquiinpoaso marë' inapita aninshitërin. “Co noyahuë' nipatëhua', chiníquën ana'intarinpoa',” tënëhua'. ⁷⁻⁸Sotomaquë ya'huëpisopita pa'pi co noyahuë' cancantopi. Monshihuanacaisoáchin yonquipi. A'naratipita co noyahuë' nipi. Inaquë a'na quëmapíchin noya ninin, Loto itopiso'. Nani tahuëri, nani tahuëri co noyahuë' nipiso nicaton, sëtërin. Taparo' nonpachinara, co noya nataninhüë'. Sëtacasoáchin cancantërin. Sacai' niponahuë', inaora Yosë yonquirin. Ina marë' Yosëri nicha'ërin. ⁹Inapochachin ipora Quisocristo imapatëhua', Yosë nanitërin catahuainpoaso'. Sopai yaminsëpirinpoahuënta', Yosë catahuarinpoa' cha'ëcaso marë'. Oshahuano'saso nipirinhüë' ana'intarin. Nani yonquirin chiníquën ana'intacaso'. Ayaro' tahuëri nanihuachin, no'tëquën ana'intaton, parisitopiquë a'pararin.

¹⁰A'naquën co pi'pisha tëranta' Yosë yanatëpihuë'. Inapitaso' chini chiníquën ana'intarin. Co Yosë natëtonahuë', co noyahuë' nicacaisoráchin yonquipi. A'naratipita taparo' nisáponaraihuë', co ina marë' tapanpihuë'. “Caora noya nitotërahuë,” ta'tona', co inso tëranta' yanatëpihuë'. Chiníquën nanantopisopita Yosëri acorinso' co quënanpirinahuë', pinopi. ¹¹Anquëniro'saso nipirinhüë' inapita quëran chini chiníquën nanantaponaraihuë', co nohuantopihuë' pinotacaiso'. “Yosëri ana'inchin,” ta'tona', tananpitopi.

¹²Nisha a'china'piro'saso' ma'sharo'sa pochin cancantopi. Co manta' yonquipihuë'. Ma'sona tëranta' yanipachinara, nipi. Yosë yonquirinso' co nitotatonaraihuë' pinopi. Ni'co'. Ma'sharo'sa' tananquë quënanpatëra,

tëparë', co nosororëhuë'. Ina marë' Yosëri acorin. Inapochachin nisha a'china'piro'saso' ta'huantapi. Oshanëna marë' Yosëri ana'intarin. ¹³Piyapi'sa' anishacancantopi ni'ton, a'na tahuëri inahuanta' parisitapi. Isoro'paráchin yonquiatona', capa cancantacaisoáchin yonquipi. A'morëso mancharinso pochin nicatona', nitapicancanpi. Imaramasopita niyontonpatamara, "Quiyanta' imarai," ta'tona', ya'conpi. Nonpintatënëquëma', ichicoshatapirinëquëmahué', inahuaso' co noyahuë' nicatona taparo' nipi.

¹⁴Sanapi quënanpachinara, monshitacaisoráchin yonquipi. Co nanitopihuë' naniantacaiso'. Co chiniquën cancantopisopitahuë' nonpintatona', anishacancantapi. Huënsonquë ma'sha manëso pochin nonpintapi. Ma'sharáchin yonquiatona', noyapatopi. Napoaton Yosëri ana'intarin. ¹⁵No'tën nanan a'porahuatona', Yosë iranën quëran pëshonpi. Paramo pochin cancantopi.

Pioro hui'nin inaso'. Iráca pënëntopirinhué', coriqui na'con na'con nohuantërin. "Nonpinacaso' co noyahuë' nipirinhué', inapoato, na'con canarahuë'," ta'ton, co noyahuë' ninin. ¹⁶Co yanatërinhuë' ni'ton, Yosëri chiniquën no'huirin. Moranën co nitononaponahuë', Yosë nohuanton, piyapi pochin nonin. Ina nonin quëran Yosëri pënënin co noyahuë' yonquirinsopita naniantacaso marë'.

¹⁷Nisha a'china'piro'sa' co Quisocristo nanamën a'chinpihuë'. Poso yanirinso pochin nipi. Yanihuachina, co huachi o'ocaso' ya'huërinhuë'. Inapochachin nisha a'china'piro'sa' nonpintarinëquëma'. Isonta' yonquico'. Hua'qui' co o'nanpachinahuë', chitoro' yaráton quënanpatëra, pa'yatopirëhuë'. Panca ihuani quëpahuachina, co huachi o'naninhué'. Inapochachin nisha a'china'piro'sa' nisapi. "Noya noya a'chintarainquëma'," itopirinëquëmahué', co tëhuënhachin catahuarinëquëmahué'. Nani iráca Yosëri yonquirin



ana'intacaso'. Tashinanquë a'pararin. Inaquë parisitápona'. Co onporonta' pipiponahuë'. ¹⁸Inahuara nipa'yatatoná', topinan quëran nontarinënguëma'. Nisha nisha yonquipi. Nasha ya'conpispopita a'naroáchin nonpintopi. Ipora huarë' co noyahuë' yonquipisopita naniantapirinahuë'. “Huëco' no'piahua'. Noya no'picaso'. Noya monshihuanacaso',” itopi nonpintatona'. ¹⁹“Co insonta' natëcaso' ya'huërinhuë'. Canpitaora nohuanton ya'huëco'. Ma'sona tëranta' yanipatama', nico'. Inapohuatama', capa cancantarama',” itopirinënguëmahuë', co inapita tëranta' inahuara nohuanton ya'huëpihuë'. Sopai nohuanton, no'pipi, monshihuanpi, co noyahuë' nipi. Insosona minsëhuachinpoa', hua'a-nëntërinpoa'. ²⁰Quisocriso nanamën natanpachinara, natëpirinahuë'. “Cha'ë-sarahuë huachi,” ta'tona', co noyahuë' yonquirinsopita pi'pian naniantopi. Ina quëran nisha cancantatona', Yosë a'poantapi. Co noyahuë' niantahua-chinara, sopairi minsërin. Ina marë' na'con na'con Yosëri ana'intarin huachi. ²¹No'tën nanan nitotaponaraihuë', co imamiatopihuë'. Nóya nicacaso' a'chintopirinahuë', ina naniantopi. Co onporonta' natanpihuë' naporini, noya noya niitonahuë'. Nani Yosë a'popi. ²²Ma'pitacha nipi paya. Imaponaraihuë' a'pohuachinara, iráca ninshita-tona napopiso chachin nipi: “Ni'nira imohuachina, co yonquirinhuë'. Imorinso chachin caantarin. Coshinta' i'quë pa'mopirinahuë', naquëranchin shipiroquë quëhuëantaton, në'huëtantarin,” topi. Inapochachin inahuanta niconpi.

O'mantacaso' tahuëri

3 ¹Nosororanguëma' iyaro'sa'. I'hua quirica a'patëranquëma' nontacamaso marë'. Iporaso' naquëranchin

ninshitantatënguëma', pënëantaranquëma' no'tëquën yonquicamaso marë'. ²Iráca noya pënëntona'piro'sa' ya'huëpi. Ninotona', Yosë quiricanënguë ninshitopi, nani nontërama'. Naporahuaton, quiyanta' Quisocriso pënënincoiso' a'chintërainquëma'. Inaso' nicha'ësarinpoa'. Ca'tano'sanënpitacoi chachin a'parincoi. Ama naniantacamaso marëhuë' ninshitaranguëma'.

³Iso' na'con yonquico'. O'mantacaso' tahuëri ya'caritohuachin, co noyahuë' piyapi'sa' ya'huapona'. Co Yosë natëtonaraihuë', ma'sona yonquipiso' nisapi. Co noyahuë' cancantapi. Quisocriso sha'huitërinpoaso' tëhuapi. ⁴“Ma'pitacha nonama paya! ‘O'mantararahuë’, jitérinquëma' ti? Intohuaso' Quisocrisoso' nimara, capa. Co o'maarinhüë', tënai. Tatanëpoarinta ninarápirinahuë', nani chiminpi. Isoro'pa' ninin quëra huarë' inachachin inachachin nisárin. Co onporonta' nisha tahuëri nisarinhuë’,” tosapí. ⁵Co yanatëtonaraihuë', co yonquiapihuë'. Iráca co manta' ya'huëpirinhuë'. Ina quëran Yosë nonaton, isoro'pa' acorin. Inápaquë ya'huërinsoptianta' acorin. Isoro'paso' iisáchin nipirinhuë', ina nohuanton, yaniro' ya'norin. ⁶Ina quëran piyapi'sa' co noyahuë' nipa-chinara, ii' quëran chachin ata'huantërin. ⁷Inapochachin ipora isoro'pa', pi'iro'të', inapita ya'huëpirinahuë', nani Yosëri chinotërin ana'intacaso': “A'na tahuëri pën quëran ata'huantarahuë,” tënín ni'ton, tahuëri nanihuachin, pën quëran chachin ata'huantarin. Naporó' tahuëri ya'ipi oshahuano'sa' chiniquéen ana'intarin. Parisitopiquë a'pararin.

⁸Isonta' iyaro'sa' yonquico'. “A'na tahuëriso' a'naroáchin na'huërin. Huaranca pi'lipiso' hua'qui’,” tënëhua'. Yosëso nipirinhuë' co canpoa pochin yonquirinhuë'. Huaranca pi'inta'

nipirinhué!, Yosëriso! a'na tahuëriáchin pochín ni'nin. Huaranca pi'ipi, a'na tahuëriré! napopianachin pochín ni'nin. ⁹A'naquën napopi: “Yosë hua'quiarin. Naniantërinpoa!” topirinahué!, co hua'quirinhué!. Co topinan quëran sha'huitërinpoahué!. Nosoroatonpoa!, ninarárin. Co nohuantërinhué! a'na piyapi tëranta! parisitopiquë pacacaso!. Na'con na'con piyapi'sa! co noyahué! yonquipisopita naniantacaiso marë! ninarárin.

¹⁰Napoaponahué!, tahuërinën nanihuachin, Sinioro o'mantararin. Ni'co!. Tashi! co yonquiasëhué!, ihuaté! hué'nin. Inapochachin a'nanaya ayaro! tahuëri naniarin huachi. Naporo! tahuëri pi'iro'té! huëntoncaarin. Chiniquën huëntoncahuachin, ta'huantarín. Pi'li, tayora, inapita huéya ni'ton, soquiarin huachi. Isoro'pa!, ya'ipi ya'huërinso-pita, inapita huiquitapi.

Noya yonquicaso! ya'huërinso!

¹¹Co manta! ya'huëmiatarinhué!. Ya'ipi ta'huantarín ni'ton, ¡Yosë pochín cancantatëhua!, noyasáchin niahua!
¹²O'mantacaso! tahuëri noya ninahua!. “Manoton o'manta'in,” ta'tëhua!, noyápiachín cancantahua!. Ina tahuëri nanihuachin, ya'ipi inápaquë ya'huërinso-pita pën quëran ta'huantarín. Pi'li, yoqui, tayora, inapita soquiarin. ¹³Napoaponahué!, nasha ya'huaantapon. Nani Yosë sha'huitërinpoa!. “A'na tahuëri nasharo'pa!, nasha pi'iro'té! inapita acoantapo,” itërinpoa!. Ina ninarëhua!. Inaquë noyasáchin nisarëhua!.

¹⁴Napoaton iyaro'sa!, ina ninatoma! na'con yonquico! noyasáchin nica-camaso marë!. “Quisocriso nanan

anoyatërinpoa!” ta'toma!, noya nini'toma!, ya'huëco!. Ya'ipi co noyahué! yonquiramasopita naniantatoma!, noyápiachín cancantoco!. Ina quëran o'mantahuachin, noya ni'sarínquëma!. ¹⁵Nosoroatonpoa!, hua'qui! Sinioro ninararin na'con na'con piyapi'sari natëcaiso marë!. Ina quëran inapitanta! nicha'ësarín. Ama ina naniantocosoahué!. Inachachin iya Paononta! ninshitërinquëma!. Inaso! iyanpoa pochín ni'nëhua!. Yosë nohuanton, no'tëquën nitotaton, ninshitërin. ¹⁶Na'quirica ninshitaton, nisha nisha ninanoquë ya'huëpisopita a'patërin. Noya pënënpirinpoahué!, pi'pian sacai! yonquicaso!. A'naquën piyapi co Yosë nanamën nitotatonahué!, nisha nisha yonquipi. Paono ninshitërinso! nontopirinahué!, co noya yonquiatonaraihué!, ma'sona tapon naporinso! anishatopi. Yosë quiricanën iráca ninshitopisonta! anishatopi. Ina marë! Yosëri chiniquën ana'intarin huachi.

¹⁷Napoaton iyaro'sa! nani pënënanquëma! ni'ton, ni'cona nonpintochnënuquëma!. Iporaso! noya yonquipiramaahué!. Co noyahué! nipisopita yanonpintarinënuquëma! inapita pochín nisha nisha cancantacamaso marë!. ¹⁸Canpitaso nipirinhué!, Sinioro Quisocrisoíchin yonquico!. Inaora nohuanton, nosororínquëma! ni'ton, nani tahuëri yacatahuarinquëma!. Inasáchin yonquihuatama!, oshaquëran noya noya nohuitarama!. Inaso! nicha'ësarínpoa!. Ya'ipi piyapi'sari chinochina!. Ayaro! tahuëriquë huarë! inasáchin yonquia'ahua!. Amen. Nani ninshitëranquëma huachi.

Pitro